

# ԵՎՐՈՊԱԿԱՆ ԵՐԻՏԱՍԱՐԴԱԿԱՆ ՀԻՄՆԱԴՐԱՄ

Աջակցություն երիտասարդներին  
և երիտասարդական  
կազմակերպություններին



Եվրոպական երիտասարդական հիմնադրամը սատարում է երիտասարդների միջև համագործակցությանը՝ ֆինանսական աջակցություն տրամադրելով եվրոպական ծրագրերին, որոնք նպաստում են Եվրոպայի և ողջ աշխարհի երիտասարդների միջև խաղաղությանը, փոխըմբռնմանը և համագործակցությանը մարդու իրավունքների և հիմնարար ազատությունների հանդեպ հարգանքի ոգով:



COUNCIL OF EUROPE



CONSEIL DE L'EUROPE



**ԵՎՐՈՊԱՅԻ ԽՈՐՀՈՒՐԴ ԵՎ ԵՐԻՏԱՍԱՐԴՈՒԹՅՈՒՆԸ**

Եվրոպայի խորհրդի նպատակն է պաշտպանել մարդու իրավունքները, ժողովրդավարությունը և օրենքի գերակայությունը եվրոպական ողջ մայրցամաքում: Կազմակերպությունը ստեղծվել է 1949թ.-ին երկրորդ Համաշխարհային պատերազմից հետո և Եվրոպայի ամենահին քաղաքական կազմակերպությունն է: Այսօր կազմակերպությանն անդամակցում է 46 պետություն:

**ԵՐԻՏԱՍԱՐԴԱԿԱՆ ՀԱՏՎԱԾԻ ԱՌԱՔԵԼՈՒԹՅՈՒՆԸ**

Երիտասարդական հատվածի առաքելությունն է «հնարավորություն տալ երիտասարդներին **ամբողջ Եվրոպայում ակտիվորեն պահպանել, պաշտպանել և խթանել Եվրոպայի խորհրդի հիմնարար արժեքներն ու օգուտ քաղել այդ արժեքներից**»:

Երիտասարդական հատվածն այս առաքելությունն իրականացնում է երիտասարդական քաղաքականության շուրջ միջկառավարական համագործակցության, մարդու իրավունքների և ժողովրդավարության ոլորտում վերապատրաստման և կրթական ծրագրերի, քարոզարշավների և համագործակցության ծրագրերի, հետազոտությունների մշակման և երիտասարդական կազմակերպությունների նախագծերին աջակցելու միջոցով:

**ԵՐԻՏԱՍԱՐԴԱԿԱՆ ՀԱՏՎԱԾԻ ԱՌԱՋԱՀԵՐԹՈՒԹՅՈՒՆՆԵՐԸ**

- ▶ **բազմակարծ ժողովրդավարության վերակենդանացում**, ժողովրդավարական քաղաքացիության և մասնակցային քաղաքականության խթանում, մասնակցության խոչընդոտների վերացում,
- ▶ **երիտասարդների համար իրավունքների հասանելիություն**, այս ոլորտում Եվրոպայի խորհրդի չափորոշիչների կիրառմանն աջակցություն, մարդու իրավունքների վերաբերյալ կրթության խթանում,
- ▶ **համակեցություն խաղաղ և ներառական հասարակություններում**, հակազդում խտրականությանը, բռնությանը և բացառմանը, եվրոպական միասնության, գլոբալ համերաշխության, խաղաղության, բազմազանության, միջմշակութային և միջսեռային երկխոսության և կայուն շրջակա միջավայրի խթանում,
- ▶ **երիտասարդական աշխատանք**, երիտասարդական աշխատանքի հզորացում, ճանաչում և առաջխաղացում, որակի բարելավում և հասանելիության ու գրավչության ընդլայնում:

*(Երիտասարդական հատվածի ռազմավարություն, 2030թ.)*

Եվրոպայի խորհրդի երիտասարդական հատվածում երիտասարդական կազմակերպությունների ներկայացուցիչները՝ որպես իրավահավասար գործընկերներ, կառավարության ներկայացուցիչների հետ միասին երիտասարդության առաջնահերթությունների, ծրագրերի և քաղաքականության վերաբերյալ որոշումներ են կայացնում:



## ԵՎՐՈՊԱԿԱՆ ԵՐԻՏԱՍԱՐԴԱԿԱՆ ՀԻՄՆԱԴՐԱՄԸ (ԵԵՀ)

ԵԵՀ-ն տրամադրում է ֆինանսական և կրթական աջակցություն երիտասարդական կազմակերպություններին՝ երիտասարդական ծրագրեր իրականացնելու համար, որոնք մշակվում են Եվրոպայի խորհրդի անդամ պետությունների և Եվրոպական մշակութային կոնվենցիային միացած պետությունների երիտասարդների կողմից, երիտասարդների հետ և նրանց համար:

Եվրոպական երիտասարդական հիմնադրամը ստեղծվել է Եվրոպայի խորհրդի կողմից 1972թ.-ին:

### ԵԵՀ-ի ուղղորդող սկզբունքն է՝ Երիտասարդների ԿՈՂՄԻՑ, Երիտասարդների ՀԵՏ և Երիտասարդների ՀԱՄԱՐ:

#### ԵԵՀ-ի ՄԱՍԻՆ՝ ՀԱԿԻՐՃ

- ▶ ԵԵՀ-ն աջակցում է երիտասարդական միջոցառումներին, երիտասարդական աշխատանքին և երիտասարդական կազմակերպություններին Եվրոպայում:
- ▶ ԵԵՀ-ն Եվրոպայի խորհրդի երիտասարդական հատվածի գործիքներից մեկն է, որը խթանում է կազմակերպության արժեքներն ու առաջնահերթությունները:
- ▶ ԵԵՀ-ն տեղական, ազգային և միջազգային երիտասարդական հասարակական կազմակերպությունների և ցանցերի գործընկերն է՝ քաղաքացիական հասարակության ամրապնդման համար:

#### ՅՈՒՐԱՔԱՆՉՅՈՒՐ ՏԱՐԻ

- ▶ ԵԵՀ-ի կողմից ֆինանսավորվում է մոտ 200 երիտասարդական ծրագիր:
- ▶ ԵԵՀ-ի կողմից ֆինանսավորված ծրագրերում ներգրավված երիտասարդների թիվը հասնում է շուրջ 15000-ի:
- ▶ ԵԵՀ-ի կողմից երիտասարդական հասարակական կազմակերպություններին տրամադրված դրամաշնորհների չափը կազմում է շուրջ 3.5 մլն. եվրո:

**ԵԵՀ-ը գտնվում է Ֆրանսիայի Ստրասբուրգ քաղաքում:** Գրասենյակները տեղակայված են Եվրոպական երիտասարդական կենտրոնում: ԵԵՀ-ն Ժողովրդավարության տնօրինության Երիտասարդական բաժնի մաս է կազմում: ԵԵՀ աշխատանքային լեզուներն են անգլերենն ու ֆրանսերենը:



### ԻՆՉԻ՞Ն Է ԱԶԱԿՑՈՒՄ ԵՆԵՀ-Ն

- ▶ ԵՆԵՀ-ն աջակցում է այն միջոցառումներին, որոնք ուղղված են երիտասարդների միջև խաղաղության և համագործակցության ամրապնդմանը, ցանցերի ստեղծմանը, փոխանակմանը և փոխադարձ աջակցության խրախուսմանը:
- ▶ ԵՆԵՀ-ն աջակցում է այն երիտասարդական ծրագրերին, որոնք համահունչ են Եվրոպայի խորհրդի երիտասարդական հատվածի արժեքներին, սկզբունքներին և առաջնահերթություններին:
- ▶ ԵՆԵՀ-ն աջակցում է բազմազան միջոցառումների, ինչպիսիք են իրազեկման արշավները, կարողությունների զարգացման միջոցառումները, հետազոտությունները, առցանց գործիքների և կրթական կամ տեղեկատվական նյութերի ստեղծումը:

ԵՆԵՀ-ն աջակցում է այնպիսի ծրագրերի, որոնք՝

- ▶ ներառում են հիմնականում 15-30 տարեկան երիտասարդների,
- ▶ հիմնված են երիտասարդների կարիքների և ձգտումների վրա,
- ▶ ունեն եվրոպական չափում, ծածկույթ,
- ▶ հիմնված են ոչ ֆորմալ կրթության մեթոդաբանության վրա,
- ▶ հաշվի են առնում գենդերային հավասարությունն ու մեկուսացված (մարզինալացված) խմբերի ներառումը:

### ԵՆԵՀ-Ն ԶԻ ԱԶԱԿՑՈՒՄ

Միջոցառումներ, ինչպիսիք են կոմերցիոն նախագծերը, պաշտոնական հանդիպումները, մարդասիրական օգնությունը, սպորտային միջոցառումները, շինարարական աշխատանքները, զբոսաշրջությունը կամ կրթաթոշակները:

### Ո՞Վ ԿԱՐՈՂ Է ԴԻՄԵԼ ԵՆԵՀ ԴՐԱՄԱՇՆՈՐՀ ՍՏԱՆԱԼՈՒ ՀԱՄԱՐ

Եվրոպայի խորհրդի անդամ պետությունների և Եվրոպական մշակութային կոնվենցիային միացած պետությունների երիտասարդական ՀԿ-ներ, ինչպիսին են՝

- ▶ ազգային կամ տեղական երիտասարդական ՀԿ-ներ,
- ▶ միջազգային երիտասարդական ՀԿ-ներ, որոնք գործունեություն են ծավալում առնվազն 7 երկրներում,
- ▶ երիտասարդական հասարակական կազմակերպությունների միջազգային ցանցեր՝ առնվազն 7 երկրներից անդամներով,
- ▶ երիտասարդական կազմակերպությունների տարածաշրջանային ցանցեր 4-6 երկրներից անդամներով

Դիմորդ կազմակերպությունները պետք է լինեն՝

- ▶ **շահույթ չհետապնդող և ոչ պետական,**
- ▶ ունենան իրենց սեփական կանոնադրությունը,
- ▶ առաջնորդվեն երիտասարդների կողմից՝ գործեն 15-30 տարեկան երիտասարդների ջանքերով և նրանց համար,
- ▶ գործեն Եվրոպայի խորհրդի արժեքներին և սկզբունքներին համահունչ:



## ԵՇԶ ԴՐԱՄՇՆՈՐՀՆԵՐԸ

ԵՇԶ-ն տրամադրում է չորս տեսակի դրամաշնորհ՝

- ▶ Դրամաշնորհներ տեղական կամ ազգային ծրագրերի համար (պիլոտային ծրագրեր), որոնք ուղղված են երիտասարդների առջև ծառայած մարտահրավերների հաղթահարմանը և տեղական մակարդակում նրանց կարիքներին:
- ▶ Դրամաշնորհներ միջազգային ծրագրերի համար: Դրանք են երիտասարդների կամ երիտասարդ առաջնորդների հանդիպումները, որոնք ունեն հստակ եվրոպական չափում:
- ▶ Դրամաշնորհներ միջազգային երիտասարդական ՀԿ-ների և ցանցերի համար ի աջակցություն մեկ տարվա ընթացքում նրանց գործունեության տարեկան ծրագրերի իրագործման (հաջորդական և փոխկապակցված գործողությունների խումբ):
- ▶ Դրամաշնորհներ միջազգային երիտասարդական ՀԿ-ներին և ցանցերին նրանց ընդհանուր վարչական ծախսերը հոգալու նպատակով:

## ԵՇԶ ԿՐԹԱԿԱՆ ԱՋԱԿՑՈՒԹՅՈՒՆ

ԵՇԶ-ն տրամադրում է՝

- ▶ խորհրդատվություն երիտասարդական ՀԿ-ներին՝ հստակեցնելու և բարելավելու ԵՇԶ-ին ներկայացվող նրանց ծրագրային առաջարկները,
- ▶ կրթական և կարողությունների զարգացման աջակցություն երիտասարդական ՀԿ-ներին նրանց ծրագրերի որակի բարելավման նպատակով,
- ▶ **տեղեկատվական հանդիպումներ՝ շահառուներին և գործընկերներին ԵՇԶ-ի զարգացումները ներկայացնելու նպատակով,**
- ▶ գործիքներ երիտասարդական ծրագրերի որակը բարելավելու համար:

## ԻՆՉՊԵՍ ԴԻՄԵԼ ԵՇԶ ԴՐԱՄՇՆՈՐՀ ՄՏԱՆԱԼՈՒ ՀԱՄԱՐ՝ ՔԱՅԼ ԱՌ ՔԱՅԼ

1. Գրանցում ԵՇԶ-ում՝ ներկայացրեք գրանցման հայտը ԵՇԶ առցանց համակարգում ([fej.coe.int](http://fej.coe.int)),
2. **Դրամաշնորհի առցանց հայտի ներկայացում՝ սահմանված ժամկետներում:**
3. Ներկայացված հայտի գնահատում: Այս գործընթացը կարող է ներառել հայտատու կազմակերպության հետ հաղորդակցություն նրանց առաջարկը հստակեցնելու նպատակով:
4. Երիտասարդական հարցերով ծրագրային հանձնաժողովի կողմից հայտի վերաբերյալ որոշման կայացում: Երիտասարդական հարցերով ծրագրային հանձնաժողովը երիտասարդական հատվածի համատեղ կառավարվող կանոնադրական մարմին է կազմված երիտասարդական ՀԿ-ների և կառավարությունների ութական ներկայացուցիչներից:

## ԵՎՐՈՊԱԿԱՆ ԵՐԻՏԱՍԱՐԴԱԿԱՆ ՀԻՄՆԱԴՐԱՄ (ԵԵՀ)

Council of Europe  
30, rue Pierre de Coubertin  
F-67000 Strasbourg, France  
+33 3 88 41 20 19  
eyf@coe.int  
<http://eyf.coe.int>  
[www.coe.int/en/web/youth/youth-strategy-2030](http://www.coe.int/en/web/youth/youth-strategy-2030)

 Հետևեք մեզ

HYE

[www.coe.int](http://www.coe.int)

Եվրոպայի խորհուրդն առաջատարն է մայրցամաքում մարդու իրավունքներով զբաղվող կազմակերպությունների շարքում: Եվրոպայի խորհրդին անդամակցում են 46 պետություններ, այդ թվում՝ Եվրոպական միության բոլոր անդամ պետությունները: Եվրոպայի խորհրդի անդամ բոլոր պետությունները միացել են Մարդու իրավունքների եվրոպական կոնվենցիային՝ որպես մարդու իրավունքների, ժողովրդավարության և իրավունքի գերակայության պաշտպանությանը միտված միջազգային պայմանագրի: Մարդու իրավունքների եվրոպական դատարանը վերահսկում է Կոնվենցիայի իրագործումն անդամ պետություններում:

